

JU UNIVERZITET U TUZLI

**ODLUKA
O IZMJENAMA I DOPUNAMA PRAVILA JU UNIVERZITET U TUZLI
(PREČIŠĆENI TEKST)**

TUZLA, FEBRUARA 2006. GODINE

Na osnovu člana 98.stav 1. alineja 1. Zakona o visokom obrazovanju («Službene novine Tuzlanskog kantona» broj: 10/99, 15/00 i 05/05), člana 20.stav 1. alineja 1. Zakona o Univerzitetu u Tuzli («Službene novine Tuzlanskog kantona» broj: 13/99, 12/00, 2/02,10/02, 11/03, 8/04 i 06/05) te člana 323. stav 1., a u vezi sa članom 218.tačka 1. Pravila JU Univerzitet u Tuzli (Prečišćeni tekst), a na prijedlog Senata, Upravni odbor JU Univerzitet u Tuzli na sjednici održanoj 22.02.2006. godine donio je

**ODLUKU
O IZMJENAMA I DOPUNAMA PRAVILA JU UNIVERZITET U TUZLI
(PREČIŠĆENI TEKST)**

Član 1.

U Pravilima JU Univerzitet u Tuzli (Prečišćeni tekst) broj: 04-751-3/03 od 07.02.2003. godine (u daljem tekstu: Pravila) u članu 6. iza riječi: «(u daljem tekstu: Ministarstvo)» stavlja se tačka, a preostali dio teksta se briše.

Član 2.

U članu 9. stav 2. mijenja se i glasi:
«SKRAĆENI NAZIV
Univerzitet u Tuzli».

Član 3.

U članu 10. iza stava 1. dodaje se novi stav 2. koji glasi:
«Univerzitet može organizovati univerzitetski studij i izvan svog sjedišta, uz prethodnu saglasnost Vlade Tuzlanskog kantona (u daljem tekstu: Vlada), ukoliko postoje društvene potrebe i uslovi za organizaciju univerzitetskog studija».

Član 4.

U članu 12. stav 1. mijenja se i glasi:
«Univerzitet ima svoj znak čiji osnovni obris čini otvorena knjiga sa bakljom u sredini». U prostoru između dva koncentrična kruga, koja se nalaze oko znaka, ispisan je tekst: Universitas studiorum Tuzlaensis MCMLXXVI».

Član 5.

U članu 15. brišu se riječi u zagradi: «(u daljem tekstu: Vlada)».

Član 6.

U članu 20. stav 8. mijenja se i glasi:
«Nastavu na dodiplomskom i postdiplomskom medicinskom i srodnom studiju i naučna istraživanja u području zdravstva, Univerzitet izvodi u JZU Univerzitetski klinički centar u Tuzli, a može izvoditi i u drugim naučnim institucijama i javnim zdravstvenim ustanovama primarne zdravstvene zaštite kao i u javnim ustanovama osnovnog i srednjeg obrazovanja na području Kantona i Bosne i Hercegovine, prema posebnom ugovoru».

Član 7.

U članu 21. stav 1. iza riječi: «službi» stavlja se tačka, a preostali dio teksta se briše.

U članu 21. stav 2. mijenja se i glasi:

«Sekretarijatom rukovodi generalni sekretar kojeg imenuje Upravni odbor na osnovu javnog konkursa».

Član 8.

Podnaslov IX «ORGANIZOVANJE NOVIH FAKULTETA, ODNOSNO STUDIJSKIH ODSJEKA» mijenja se i glasi:

IX «ORGANIZOVANJE NOVIH FAKULTETA, STUDIJSKIH ODSJEKA, NAUČNO-ISTRAŽIVAČKIH INSTITUTA I DRUGIH ORGANIZACIONIH JEDINICA».

Član 9.

U članu 28. stav 2. briše se tačka i dodaju riječi: «i obrazuje komisiju za izradu prijedloga elaborata o društveno-ekonomskoj opravdanosti organizovanja fakulteta, odnosno studijskog odsjeka na fakultetu».

Član 10.

U članu 29. stav 2. mijenja se i glasi:

«Prijedlog elaborata iz stava 1. ovog člana podnosi Univerzitet».

U članu 29. iza stava 2. dodaje se novi stav 3 koji glasi:

«Mišljenje o potrebi organizovanja fakulteta, odnosno studijskog odsjeka daje Ministarstvo».

Član 11.

Iza člana 29. dodaje se novi član 29a) koji glasi:

«Član 29a)

U sastavu Univerziteta može se organizovati naučnoistraživački institut kao organizaciona jedinica.

Na postupak organizovanja naučnoistraživačkog instituta shodno se primjenjuju odredbe članova 28. i 29. ovih Pravila.»

Član 12.

U članu 32. iza stava 3. dodaje se novi stav 4. koji glasi:

«Prijedlog elaborata iz stava 3. ovog člana podnosi Univerzitet».

Član 13.

Član 33. mijenja se i glasi:

«Obrazovanje na Univerzitetu stiče se na univerzitetskim studijama.

Univerzitetski studiji organizuju se i izvode na fakultetima, kao organizacionim jedinicama, odnosno na Univerzitetu iz multidisciplinarnih oblasti.

Univerzitetski studiji organizuju se u tri ciklusa:

- stepen prvog ciklusa (dodiplomski studij), koji se vrjednuje sa 180-240 ECTS bodova;
- stepen drugog ciklusa (postdiplomski studij), nakon sticanja stepena dodiplomskog studija, koji se vrjednuje sa 60-120 ECTS bodova;
- stepen trećeg ciklusa (doktorski studij), koji se vrjednuje sa 180-240 bodova.

Izuzetno od odredaba prethodnog stava alineja 1., studij medicine vrjednuje se do 360 ECTS bodova.

Svaki semestar studija vrijednuje se sa po 30 ECTS bodova u svakom ciklusu.
Na zahtjev studenta izdaje se uvjerenje nakon sticanja najmanje 60 ECTS bodova.
Ukupan broj ECTS bodova u prvom i drugom ciklusu iznosi 300.
ECTS bodovi se mogu sticati redovnim studijem, vanrednim studijem, učenjem na daljinu ili kombinacijom ova tri načina studiranja, a u skladu sa nastavnim planom i programom određenog univerzitetskog studija, odnosno ciklusa».

Član 14.

Član 34. mijenja se i glasi:
«Univerzitet i fakulteti izvode dodiplomski studij za sticanje visoke stručne spreme.
Dodiplomski studij traje od tri do šest godina».

Član 15.

U članu 35. stav 1. riječ: «obavezno» briše se.
U članu 35. stav 2. mijenja se i glasi:
«Dodiplomski studij može se organizovati i za vanredne studente i za studente učenjem na daljinu, ako je to spojivo s prirodom studija».

Član 16.

U članu 36. brišu se riječi: «za redovne i vanredne studente».

Član 17.

U članu 38. u stavu 1. iza riječi: «obavezni» dodaju se riječi: «i dopunski».
U članu 38. stav 2. se briše.

Član 18.

U članu 39. iza stava 1. dodaju se novi stavovi 2 i 3 koji glase:
«Nastavne planove i nastavne programe multidisciplinarnog dodiplomskog studija donosi Senat Univerziteta na prijedlog naučno-nastavnih vijeća fakulteta, odnosno umjetničko-nastavnog vijeća Akademije (u daljem tekstu: naučno-nastavno vijeće) koji su matični za naučne oblasti obuhvaćene multidisciplinarnim dodiplomskim studijem.
Senat će odrediti fakultet koji će biti nosilac multidisciplinarnog dodiplomskog studija».

Član 19.

U članu 40. stav 2. riječ: «prigodan» zamjenjuje se rječju: «pogodan».

Član 20.

U članu 41. i ostalim članovima Pravila iza riječi: naučno-nastavno vijeće» u odgovarajućem padežu briše se riječ: «fakulteta».

Član 21.

U članu 43. stav 3. se briše.

U članu 43. stav 7. iza riječi: «društvima» dodaju se riječi: «javnim ustanovama predškolskog, osnovnog i srednjeg obrazovanja, institucijama vlasti, vladinim organima i institucijama, nevladinim organizacijama, medijima i drugim institucijama».

Član 22.

Član 46. mijenja se i glasi:

«Studenti mogu pristupiti i djelimičnoj provjeri znanja u toku semestra».

Član 23.

Član 47. mijenja se i glasi:

«Pravilnikom o organizovanju dodiplomskog, postdiplomskog i doktorskog studija (u daljem tekstu: Pravilnik) bliže će se utvrditi odredbe o:

- dužini trajanja dodiplomskog, postdiplomskog i doktorskog studija na svakom fakultetu, odnosno studijskom odsjeku;
- uslovima za upis studenata u I godinu dodiplomskog, postdiplomskog i doktorskog studija,
- uslovima za upis u narednu godinu dodiplomskog, postdiplomskog i doktorskog studija,
- obavezi, načinu i dužini obavljanja stručne prakse na dodiplomskom studiju za pojedine studijske odsjeke;
- fakultetima, odnosno studijskim odsjecima na kojima je obavezna izrada i odbrana diplomskog rada, odnosno diplomskog ispita;
- način i postupku organizovanja postdiplomskog i doktorskog studija;
- uslovima i načinu organizovanja multidisciplinarnog dodiplomskog, postdiplomskog i doktorskog studija;
- akademskoj tituli koja se stiče po završetku dodiplomskog, postdiplomskog i doktorskog studija;
- drugim pitanjima od značaja za regulisanje specifičnosti kod pojedinih fakulteta, odnosno studijskih odsjeka u sva tri ciklusa obrazovanja».

Član 24.

Član 49. mijenja se i glasi:

«Postdiplomski studij traje dva, odnosno četiri semestra, u zavisnosti od dužine trajanja dodiplomskog studija».

Član 25.

U članu 51. iza stava 1. dodaju se novi stavovi 2. i 3. koji glase:

«Multidisciplinarni postdiplomski studij Univerzitet izvodi po nastavnom planu i programu kojeg donosi Senat, na prijedlog naučno-nastavnih vijeća onih fakulteta koji su matični za naučne oblasti obuhvaćene multidisciplinarnim postdiplomskim studijem. Senat će odrediti fakultet koji će biti nosilac organizacije multidisciplinarnog postdiplomskog studija».

Član 26.

U članu 52. prva rečenica stava 2. mijenja se i glasi:

«Konkurs raspisuje Senat».

U članu 52. u drugoj rečenici stava 2. briše se tačka i dodaju riječi: «na početku semestra».

U članu 52. stav 3. se briše.

Član 27.

U članu 55. na kraju druge rečenice stava 2. briše se tačka i dodaju riječi: «koji učestvuje u izvođenju nastave».

Član 28.

U članu 71. iza riječi: «diploma» dodaju se riječi: «i dodatak diplomi».

Član 29.

U članu 73. riječi: «doktorat nauka» zamjenjuju se riječima: «oduzimanje naučnog stepena doktora nauka».

Član 30.

U poglavlju XII «ORGANIZOVANJE I IZVOĐENJE UNIVERZITETSKIH STUDIJA» podnaslov «3.Doktorat nauka» mijenja se i glasi: «3.Doktorski studij».

Član 31.

Član 74. mijenja se i glas:

«Doktorski studij organizuje se kao studij za sticanje naučnog, odnosno umjetničkog stepena doktora nauka, u skladu sa Zakonom, ovim Pravilima i Pravilnikom.

Doktorat nauka je najviši naučni, odnosno umjetnički stepen koji se stiče na Univerzitetu iz naučnih, odnosno umjetničkih oblasti za koje je Univerzitet matičan.

Matičnost Univerziteta utvrđuje Senat Univerziteta, na prijedlog naučno-nastavnih vijeća».

Član 32.

Član 75. mijenja se i glasi:

«Doktorski studij organizuje se kroz naučno-istraživački rad i nastavu, koji se izvode po bodovnom sistemu.

Doktorski studij završava se izradom i odbranom doktorske disertacije.

Doktorska disertacija je rezultat samostalnog naučnoistraživačkog rada kojim se daju novi naučni rezultati i doprinos razvoju nauke».

Član 33.

Član 76. mijenja se i glasi:

«Doktorski studij izvodi se po nastavnom planu i programu.

Nastavni plan i program dokorskog studija na Univerzitetu donosi Senat, na prijedlog naučno-nastavnog vijeća, a za multidisciplinarni na prijedlog naučno-nastavnih vijeća onih fakulteta koji su matični za naučne oblasti obuhvaćene multidisciplinarnim dokorskim studijem.

Na nastavni plan, program i organizovanje dokorskog studija primjenjuju se odredbe člana 37, 38, 40. stav 1, 41, 42. stav 2 i 110. stav 1. ovih Pravila».

Član 34.

Član 77. mijenja se i glasi:

«Doktorski studij traje tri godine.

U prve dvije godine organizuje se izvođenje nastave, istraživanje i polaganje ispita prema utvrđenom nastavnom planu i programu.

Nakon izvršenja obaveza iz prethodnog stava student pristupa završnoj izradi dokorskog rada».

Član 35.

Član 78. mijenja se i glasi:

«Nastava se izvodi prema nastavnom programu u obliku predavanja, konsultacija, seminarskih radova i drugih oblika utvrđenih programom.

Studentu se u prvoj godini studija određuje mentor radi praćenja njegovog rada i rezultata istraživanja».

Član 36.

Član 79. mijenja se i glasi:

«Status studenta dokorskog studija stiče se upisom u prvu godinu studija.

Upis se vrši na osnovu javnog konkursa, kojeg raspisuje Senat.

Pravo učešća na konkursu imaju kandidati sa završenim drugim ciklusom, koji ispunjavaju uslove propisane Pravilnikom.

Sadržaj i način objavljivanja konkursa utvrđuje Senat.

Upisanom studentu dokorskog studija univerzitet izdaje indeks (upisnicu) kojom se dokazuje status studenta».

Član 37.

Članovi 80. do 92. se brišu.

Član 38.

U članu 93. umjesto tačke stavlja se zarez i dodaju riječi: «o čemu se kandidatu izdaje diploma i dodatak diplomi».

Član 39.

U članu 98. briše se tačka i u zagradi dodaju riječi: «(honoris causa)».

Član 40.

U poglavlju XII «ORGANIZOVANJE I IZVOĐENJE UNIVERZITETSKIH STUDIJA» podnaslov 6. «Naučnoistraživački odnosno umjetnički rad» mijenja se i glasi: 6. «Naučnoistraživački i umjetnički rad».

Član 41.

U članu 103. stav 1. riječi: «odnosno umjetnički rad» zamjenjuju se riječima: «i umjetnički rad, dok se riječi: «dodiplomskom studiju» zamjenjuju riječju: «Univerzitetu».

U članu 103. stav 2. mijenja se i glasi:

«Naučnoistraživački i umjetnički rad zajedno sa nastavnim radom čine cjelinu».

Član 42.

U članu 104. stav 1. mijenja se i glasi:

«Umjetnički i istraživački rad u oblasti umjetnosti na Univerzitetu organizuje se na Filozofskom fakultetu i Akademiji dramskih umjetnosti».

Član 43.

Član 105. mijenja se i glasi:

«Upis u prvu godinu dodiplomskog studija vrši se na osnovu javnog konkursa koji raspisuje Senat.

Pravo učešća na konkursu imaju lica sa završenim odgovarajućim srednjim obrazovanjem, u skladu sa Zakonom.

Univerzitet vrši upis studenata na osnovu odluke o upisu koju donosi Upravni odbor na prijedlog Senata, uz prethodnu saglasnost Vlade.

Odlukom o upisu iz prethodnog stava utvrđuje se za svaki studij: broj studenata i troškovi studija, odnosno visina participacije studenata u troškovima studija.

Konkurs iz stava 1. ovog člana sadrži u pravilu elemente utvrđene odlukom o upisu i Zakonom».

Član 44.

Član 107. mijenja se i glasi:

«Status studenta dodiplomskog studija stiče se upisom u prvu godinu redovnog studija, vanrednog studija, studija učenjem na daljinu ili kombinacijom ova tri načina studiranja.

Redovni student na Univezitetu može imati status redovnog studenta koji participira u troškovima studija ili status redovnog studenta koji participira u troškovima studija i plaća školarinu.

Redovni student koji participira u troškovima studija i plaća školarinu stiče status studenta koji samo participira u troškovima studija ukoliko u studijskoj godini koju sluša prvi puta stekne uslov za upis u narednu godinu studija.

Redovni i vanredni student koji obnavlja studijsku godinu tri i više puta, pored participacije u troškovima studija, plaća i školarinu u procentu koji odlukom utvrdi Upravni odbor, a na koju saglasnost daje Vlada.

Promjena statusa studenta u skladu sa stavom 3. ovog člana evidentira se u indeksu studenta.

Studentu upisanom u prvu godinu dodiplomskog studija izdaje se indeks (upisnica) kojim se dokazuje status studenta».

Član 45.

U članu 109. stav 1. iza riječi: «programu» stavlja se tačka, a preostali dio teksta se briše.

Član 46.

Član 110. mijenja se i glasi:

«Student ima pravo započeti studij završiti po nastavnom planu i programu koji je važio prilikom upisa u prvu godinu studija, a najkasnije do početka školske godine u kojoj ga sustiže generacija studenata upisana po izmijenjenom nastavnom planu i programu.

Student koji ne završi započeti studij u roku utvrđenom u prethodnom stavu, završit će studij po izmijenjenom nastavnom planu i programu.

Izuzetno, student koji je odslušao i ovjerio sve obaveze utvrđene nastavnim planom i programom prethodne godine studija, a na studiju medicine četvrte godine studija, ima pravo započeti studij završiti po nastavnom planu i programu koji je važio prilikom upisa u prvu godinu studija».

Član 47.

U članu 126. riječ: «parcijalni» zamjenjuju se riječju: «semestralni».

Član 48.

U članu 131. stav 2. umjesto tačke stavlja se zarez i dodaju riječi: «odnosno ekvivalent odgovarajućih ECTS bodova u skladu sa nastavnim planom».

Član 49.

U članu 132. stav 2. riječi: «osnivača» zamjenjuje se riječima: «Vlade».

Član 50.

U članu 133. stav 2. riječi: «imatrikulacije statusa» u odgovarajućem padežu zamjenjuju se riječima: «status imatrikulacije».

Član 51.

U članu 135. umjesto tačke dodaju se zarez i riječi: «o čemu se donosi posebno rješenje».

Član 52.

U članu 136. stav 4. umjesto tačke stavlja se zarez i dodaju riječi: «iz dvosemestralnih nastavnih predmeta, odnosno u svim ispitnim rokovima iz jednosemestralnih nastavnih predmeta».

Član 53.

U članu 147. stav 1. riječi: «uključuju se» zamjenjuju se riječima: «mogu biti uključni».

Član 54.

U članu 154. stav 1. iza riječi: «diplomu» dodaju se riječi: «i dodatak diplomi».

U članu 154. stav 2. iza riječi: «diploma» dodaju se riječi: «i dodatak diplomi».

Član 55.

U članu 155. riječi: «Statusa» zamjenjuje se riječju: «Status».

U članu 155. alineja 1. mijenja se i glasi:

«-diplomiranjem, odbranom magistarskog rada odnosno doktorske disertacije».

Član 56.

U članu 172. brišu se riječi: «dodiplomskog i postdiplomskog studija».

Član 57.

U članu 174. stav 2. brišu se riječi: «naslovni docent».

U članu 174. stav 3. mijenja se i glasi:

«Nastavnik se može birati i u nastavno zvanje lektora za nastavni predmet strani jezik, koji se studira kao glavni predmet, ukoliko po prethodno raspisanom konkursu za izbor u naučno-nastavno zvanje za taj predmet, nije izvršen izbor kandidata koji ispunjava uslove propisane ovim Pravilima».

Član 58.

U članu 175. alineja 2. riječ: «obavljenih» zamjenjuje se riječju: «objavljenih».

Član 59.

U članu 182. u stavu 1. brišu se riječi: «za nastavni predmet ili»

U članu 182. iza stava 1. dodaje se novi stav 2. koji glasi:

«Izuzetno od odredaba prethodnog stava, na Farmaceutskom i Medicinskom fakultetu nastavnik se bira za nastavni predmet ili za užu naučnu oblast».

Dosadašnji stav 2. člana 182. postaje stav 3. u kojem se broj: «1» zamjenjuje brojem: «2», dok se riječi: «odnosno umjetničkoj» brišu.

Član 60.

U članu 184. stav 3. briše se riječ: «samostalno».

U članu 184. iza stava 3. dodaje se novi stav 4. koji glasi:

«Izuzetno, u slučajevima kada se ne može organizovati izvođenje nastave od strane izabranog nastavnika, viši asistent može držati predavanje pod kontrolom izabranog nastavnika.

Kontrola izabranog nastavnika iz prethodnog stava podrazumijeva prethodno definisanje sadržaja predavanja i pripremu asistenta za kvalitetno izvođenje nastave».

Član 61.

Član 185. se briše.

Član 62.

U članu 190. stav 3. mijenja se i glasi:

«Lektor se bira na vrijeme od četiri godine i ne može biti ponovo biran».

U članu 190. stav 4. riječi: «Predavač i docent biraju se» zamjenjuju se riječima: «Docent se bira».

U članu 190. stav 6. se briše.

Član 63.

Član 191. mijenja se i glasi:

«Za vrijeme porodiljskog odsustva, odsluženja odnosno dosluženja vojnog roka, nastavniku, višem asistentu i asistentu ne teku rokovi za izbor u isto ili više zvanje ako je to povoljnije za nastavnika, višeg asistenta ili asistenta».

Član 64.

U članu 192. iza stava 2. dodaje se novi stavovi 3. i 4. koji glase:

«Izuzetno, nastavniku koji je prvi puta ponovo izabran u isto naučno-nastavno, odnosno umjetničko-nastavno zvanje, a koji ispunji uslove za izbor u više zvanje, može se

pokrenuti postupak za izbor u više zvanje i prije isteka roka iz člana 190. ovih Pravila, pri čemu se uzimaju u obzir i ispunjeni uslovi kod posljednjeg izbora. Prijedlog za pokretanje postupka podnosi naučno-nastavno vijeće, na zahtjev nastavnika».

Član 65.

U članu 193. stav 2. briše se riječ: «najmanje».

Član 66.

U članu 195. stav 1. riječi: «a u cilju» zamjenjuju se rječju: «radi».

Član 67.

U članu 197. stav 1. riječ: «sačiniti» zamjenjuje se rječju: «pripremiti», a umjesto tačke stavlja se zarez i dodaju riječi: «u slučaju pripremanja prijedloga za izbor za opće nastavne predmete».

U članu 197. stav 2. riječ: «sačinjava» zamjenjuje se rječju: «priprema».

U članu 197. stav 3. briše se riječ: «ga».

U članu 197. stav 4. iza riječi: «člana» umjesto zareza stavlja se tačka, a riječi: «uz pribavljeno mišljenje matičnog univerziteta» se brišu.

U članu 197. iza stava 4. dodaju se novi stavovi 5. i 6. koji glase:

«Kandidat koji nije zadovoljan odlukom Senata može podnijeti zahtjev za preispitivnje odluke o izboru.

Zahtjev se podnosi Senatu u roku od 15 dana od dana prijema odluke o izboru».

Član 68.

U članu 198. stav 1. riječi: «godinu dana» zamjenjuju se riječima: «šest mjeseci».

Član 69.

U članu 210. stav 2. riječ: «devet» zamjenjuje se rječju: «pet».

Član 70.

Član 212. mijenja se i glasi:

«Upravni odbor čine:

- dva člana koji se imenuju iz reda nastavnika izabranih u naučno-nastavna i umjetničko-nastavna zvanja, koji su u radnom odnosu na Univerzitetu;
- tri člana koja se imenuju iz reda osnivača, uključujući i predsjednika».

Član 71.

Član 215. mijenja se i glasi:

«Vlada, osim u slučajevima utvrđenim Zakonom, može razriješiti predsjednika i člana Upravnog odbora i prije vremena na koje je imenovan i u slijedećim slučajevima:

- zbog imenovanja na javnu funkciju, odnosno na funkciju rektora ili člana Senata kao i u drugim slučajevima postojanja sukoba interesa u skladu sa zakonom;
- radi odsustva zbog bolesti ili stručnog usavršavanja u trajanju dužem od šest mjeseci;
- zbog izdržavanja kazne zatvora u trajanju dužem od šest mjeseci».

Član 72.

Članovi 216. i 217. se brišu.

Član 73.

U članu 218. iza tačke 2. dodaje se nova tačka 2a) koja glasi:

«2a) donosi kriterije za imenovanje rektora, prorektora, dekana, direktora Studentskog centra i drugih organizacionih jedinica i imenuje konkursnu komisiju».

U članu 218. u tački 14. na kraju teksta briše se tačka-zarez i dodaju riječi: «o čemu podnosi prijedlog elaborata».

U članu 218. tačka 16. se briše.

U članu 218. tačka 17. mijenja se i glasi:

«17. na prijedlog Senata, donosi odluku o upisu studenata u I godinu dodiplomskog studija, visini participacije studenata u troškovima studija te visinu školarine kao i visinu participacije studenata u troškovima studija za obnovu studijske godine, uz prethodnu saglasnost Vlade».

U članu 218. brišu se tačke 18. i 19.

U članu 218. tačka 20. mijenja se i glasi:

«20. utvrđuje visinu troškova za postdiplomski i doktorski studij za sticanje naučnog, odnosno umjetničkog stepena magistra i naučnog stepena doktora nauka, te naknadu za nostrifikaciju i ekvivalenciju inostranih školskih diploma, na prijedlog Senata».

U članu 218. tačka 21. se briše.

Član 74.

Član 220. mijenja se i glasi:

«Upravni odbor radi na sjednicama, a po potrebi i izvan sjednica.

Sjednice Upravnog odbora saziva i njihovim radom rukovodi predsjednik.

Rektor i generalni sekretar odgovorni su za pripremu sjednica Upravnog odbora».

Član 75.

U članu 221. dodaje se novi stav 1. koji glasi:

«Upravni odbor odlučuje na sjednici».

U članu 221. dosadašnji stav 1. postaje stav 2.

Član 76.

Član 225. mijenja se i glasi:

«Rektora imenuje Upravni odbor na osnovu javnog konkursa.

Rektor se imenuje na vrijeme od četiri godine i može biti ponovo imenovan».

Član 77.

Članu 226. mijenja se i glasi:

«Postupak za imenovanja rektora pokreće Upravni odbor, šest mjeseci prije isteka perioda na koji je imenovan.

Upravni odbor donosi odluku o raspisivanju konkursa i imenuje konkursnu komisiju od pet članova».

Član 78.

Član 227. mijenja se i glasi:

«Konkus za imenovanje rektora objavljuje se u jednom od dnevnih listova i traje petnaest dana od dana objavljivanja».

Član 79.

Član 228. mijenja se i glasi:

«Za rektora može biti imenovan nastavnik u naučno-nastavnom zvanju redovnog profesora izabranog na Univerzitetu.

Za rektora ne može biti imenovana osoba koja ima funkciju u izvršnim organima političke partije ili organizacije koja je povezana sa političkom partijom.

Kandidat koji se prijavljuje na konkurs dužan je, pored dostavljanja dokaza o ispunjavanju uslova dostaviti i program rada i razvoja Univerziteta za mandatni period».

Član 80.

Član 229. mijenja se i glasi:

«Konkursna komisija, u roku od petnaest dana od dana zaključivanja konkursa, sačinjava listu kandidata koji ispunjavaju uslove konkursa, čije su prijave blagovremene i potpune i istu dostavlja Upravnom odboru».

Član 81.

Član 230. mijenja se i glasi:

«Prije imenovanja rektora, Upravni odbor pribavlja mišljenje Senata o svim kandidatima sa potvrđene liste kandidata koji ispunjavaju uslove konkursa».

Član 82.

Član 231. mijenja se i glasi:

«Senat daje mišljenje o svakom kandidatu pojedinačno na osnovu kriterija i ponuđenog programa rada i razvoja Univerziteta i isto dostavlja Upravnom odboru na dalji postupak, najkasnije u roku od 30 dana od dana prijema potvrđene liste kandidata».

Član 83.

Iza člana 231. dodaju se novi članovi 231a) i 231b) koji glase:

«Član 231a)

Po prijemu mišljenja Senata o svakom kandidatu pojedinačno Upravni odbor bira i imenuje rektora tajnim glasanjem.

Za rektora je imenovan kandidat koji je dobio nadpolovičnu većinu glasova svih članova Upravnog odbora.

Ukoliko ni jedan od kandidata ne dobije potrebnu većinu glasova, postupak imenovanja rektora se ponavlja.

Član 231b)

Za vrijeme trajanja mandata imenovani kandidat zasniva radni odnos na Univerzitetu sa punim radnim vremenom».

Član 84.

U članu 232. stav 1. riječi: «230. i 231.» zamjenjuju se riječima: «231 a)».

Član 85.

U članu 232. iza stava 2. dodaje se novi stav 3. koji glasi:
«Istovremeno sa imenovanjem vršioca dužnosti rektora, Upravni odbor donosi odluku o ponovnom raspisivanju konkursa za imenovanje rektora».

Član 86.

Član 233. se briše.

Član 87.

U članu 234. stav 1. tačka 15. i 16. mijenjaju se i glase:
«15. u skladu sa utvrđenim kriterijima u postupku imenovanja daje mišljenje o kandidatima za prorektore univerziteta i dekane fakulteta, uz prethodno pribavljeno mišljenje Senata, odnosno naučno-nastavnog vijeća;
16. u skladu sa utvrđenim kriterijima u postupku imenovanja daje mišljenje o kandidatima za direktora Studentskog centra i drugih organizacionih jedinica Univerziteta».
U članu 234. stav 1. tačka 17. se briše.
U članu 234. u stavu 2. iza riječi: «rad i» briše se riječ: «za», a iza riječi: «poslovanje» dodaje se riječ: «Univerziteta».

Član 88.

U članu 236. alineja 3. broj: «226.» zamjenjuje se riječima: «228. stav 2.».

Član 89.

U članu 237. stav 2. brišu se riječi: «osnivač, Vlada Kantona».

Član 90.

U članu 238. stav 1. mijenja se i glasi:
«O prijedlogu za razrješenje rektora odlučuje Upravni odbor većinom od ukupnog broja članova Upravnog odbora».
Stavovi 2. i 3. se brišu.

Član 91.

Član 240. mijenja se i glasi:
«Prorektore imenuje Upravni odbor na osnovu javnog konkursa.
Prorektori se imenuju na period od četiri godine i mogu biti ponovo imenovani».

Član 92.

Član 241. mijenja se i glasi:
«Postupak za imenovanje prorektora pokreće Upravni odbor, šest mjeseci prije isteka perioda na koji su imenovani.
Upravni odbor donosi odluku o raspisivanju konkursa i imenuje konkursnu komisiju od pet članova».

Član 93.

Član 242. mijenja se i glasi:

«Konkurs za imenovanje prorektora objavljuje se u jednom od dnevnih listova i traje petnaest dana od dana objavljivanja».

Član 94.

Član 243. mijenja se i glasi:

«Za prorektora može biti imenovan nastavnik u naučno-nastavnom zvanju redovnog ili vanrednog profesora izabranog na Univerzitetu.

Za prorektora ne može biti imenovana osoba koja ima funkciju u izvršnim organima političke partije ili organizacije koja je povezana sa političkom partijom.

Kandidat koji se prijavljuje na konkurs dužan je, pored dostavljanja dokaza o ispunjavanju uslova dostaviti i dokaze koji proizilaze iz kriterija».

Član 95.

Član 244. mijenja se i glasi:

«Konkursna komisija, u roku od petnaest dana od dana zaključivanja konkursa, sačinjava listu kandidata čije su prijave blagovremene i potpune te koji ispunjavaju uslove konkursa i istu dostavlja Upravnom odboru».

Član 96.

Član 245. mijenja se i glasi:

«Prije imenovanja prorektora, Upravni odbor pribavlja mišljenje Senata i rektora o svim kandidatima sa potvrđene liste kandidata koji ispunjavaju uslove konkursa».

Član 97.

Član 246. mijenja se i glasi:

«Senat daje mišljenje o svakom kandidatu pojedinačno na osnovu utvrđenih kriterija, javnim izjašnjavanjem i isto dostavlja Upravnom odboru na dalji postupak, najkasnije u roku od 30 dana od dana prijema potvrđene liste kandidata.

Rektor Univerziteta daje mišljenje o svakom kandidatu pojedinačno na osnovu utvrđenih kriterija i isto dostavlja Upravnom odboru Univerziteta najkasnije u roku od 30 dana od dana prijema potvrđene liste kandidata».

Član 98.

Iza člana 246. dodaju se novi članovi 246 a) i 246 b) koji glase:

«Član 246a)

Po prijemu mišljenja Senata i rektora Upravni odbor bira i imenuje prorektora tajnim glasanjem.

Za prorektora je imenovan kandidat koji je dobio nadpolovičnu većinu glasova svih članova Upravnog odbora.

Ukoliko ni jedan od kandidata ne dobije potrebnu većinu glasova, postupak imenovanja prorektora se ponavlja.

Član 246 b)

Za vrijeme trajanja mandata imenovani kandidat zasniva radni odnos na Univerzitetu sa punim radnim vremenom».

Član 99.

U članu 252. alineja 3. broj: «241.» zamjenjuje se riječima: «243. stav 2.».

Član 100.

U članu 256. tačka 2. mijenja se i glasi:

«2. obavlja nadzor nad upotrebom sredstava za rad;»

U članu 256. iza tačke 2. dodaje se nova tačka 3. koja glasi:

«3. pregleda godišnji izvještaj o poslovanju i godišnji obračun»;

U članu 256. tačke 3. i 4. postaju tačke 4. i 5.

Član 101.

Član 259. mijenja se i glasi:

«Senat Univerziteta je stručni organ Univerziteta.

Senat čine: rektor, prorektori, dekani, po jedan predstavnik nastavnika fakulteta kojeg predloži naučno-nastavno vijeće, direktori organizacionih jedinica Univerziteta i tri predstavnika studenata Univerziteta, po grupacijama fakulteta, koje predloži Unija studenata Univerziteta.

Mandat članova iz reda predstavnika nastavnika i studenata traje dvije godine«.

Član 102.

U članu 260. tačka 2. mijenja se i glasi:

«2. daje mišljenje o kandidatima za člana Upravnog odbora iz reda nastavnika».

U članu 260. u tački 6. riječi: «dodiplomskog i postdiplomskog» zamjenjuju se riječima: «dodiplomskog, postdiplomskog i doktorskog».

U članu 260. tačka 9. mijenja se i glasi:

«9. donosi odluku o izboru nastavnika i saradnika te vrši preispitivanje odluke o izboru po žalbi kandidata».

U članu 260. u tački 22. iza riječi: «studija» dodaju se riječi: «te visinu participacije studenata u troškovima studija, kao i visinu participacije studenata u troškovima studija i visinu školarine za obnovu studijske godine».

U članu 260. tačka 28. mijenja se i glasi:

«28. raspisuje konkurs za upis studenata na dodiplomski, postdiplomski i doktorski studij».

U članu 260. u tački 29. riječi: «utvrđuje prijedlog konkursa» zamjenjuju se riječima: «raspisuje konkurs».

U članu 260. tačka 30. mijenja se i glasi:

«30. utvrđuje prijedlog visine troškova za postdiplomski i doktorski studij za sticanje naučnog, odnosno umjetničkog stepena magistra i doktora nauka te naknade za nostrifikaciju i ekvivalenciju inostranih školskih diploma».

U članu 260. tačka 31. mijenja se i glasi:

«31. utvrđuje prijedlog sadržaja i izgleda dodatka diplomu».

Član 103.

U članu 266. stav 2. u tački 16. iza riječi: «studenti» dodaju se riječi: «i odlučuje u prvom stepenu o pojedinačnim pravima i obavezama studenata».

Član 104.

Član 267. mijenja se i glasi:

«Dekana imenuje Upravni odbor na osnovu javnog konkursa.

Dekan se imenuje na period od četiri godine i može biti ponovo imenovan.

Član 105.

Članu 268. mijenja se i glasi:

«Postupak za imenovanja dekana pokreće Upravni odbor, šest mjeseci prije isteka perioda na koji je imenovan.

Upravni odbor donosi odluku o raspisivanju konkursa i imenuje konkursnu komisiju od pet članova».

Član 106.

Član 269. mijenja se i glasi:

«Konkurs za imenovanje dekana objavljuje se u jednom od dnevnih listova i traje petnaest dana od dana objavljivanja».

Član 107.

Član 270. mijenja se i glasi:

«Za dekana može biti imenovan nastavnik u naučno-nastavnom, odnosno umjetničko-nastavnom zvanju koji je izabran na Univerzitetu.

Za dekana ne može biti imenovana osoba koja ima funkciju u izvršnim organima političke partije ili organizacije koja je povezana sa političkom partijom.

Kandidat koji se prijavljuje na konkurs dužan je, dostaviti dokaze o ispunjavanju uslova i dokaze koji proizilaze iz kriterija» .

Član 108.

Član 271. mijenja se i glasi:

«Konkursna komisija, u roku od petnaest dana od dana zaključivanja konkursa, sačinjava listu kandidata koji ispunjavaju uslove konkursa i čije su prijave potpune i blagovremene te istu dostavlja Upravnom odboru».

Član 109.

Član 272. mijenja se i glasi:

«Prije imenovanja dekana, Upravni odbor pribavlja mišljenje naučno-nastavnog vijeća i rektora o svim kandidatima sa potvrđene liste kandidata koji ispunjavaju uslove konkursa».

Član 110.

Član 273. mijenja se i glasi:

«Naučno-nastavno vijeće daje mišljenje o svakom kandidatu pojedinačno na osnovu utvrđenih kriterija javnim izjašnjavanjem, i isto dostavlja Upravnom odboru na dalji postupak, najkasnije u roku od 30 dana od dana prijema potvrđene liste kandidata. Rektor daje mišljenje o svakom kandidatu pojedinačno na osnovu utvrđenih kriterija i isto dostavlja Upravnom odboru Univerziteta najkasnije u roku od 30 dana od dana prijema potvrđene liste kandidata».

Član 111.

Iza člana 273. dodaje se novi član 273a) koji glasi:

«Član 273a)

Po prijemu mišljenja naučno-nastavnog vijeća i rektora Upravni odbor bira i imenuje dekana tajnim glasanjem.

Za dekana je imenovan kandidat koji je dobio nadpolovičnu većinu glasova svih članova Upravnog odbora.

Ukoliko ni jedan od kandidata ne dobije potrebnu većinu glasova, postupak imenovanja dekana se ponavlja».

Član 112.

U članu 274. stav 1. se briše.

Član 113.

U članu 275. stav 1. mijenja se i glasi:

«U slučaju da se ne izvrši imenovanje dekana po postupku iz člana 273. i 273a) ovih Pravila, Upravni odbor će, bez konkursa, na prijedlog rektora imenovati vršioca dužnosti dekana iz reda nastavnika u naučno-nastavnom, odnosno umjetničko-nastavnom zvanju zaposlenom na Univerzitetu».

Član 114.

U članu 277. alineja 5. broj: «267» zamjenjuju se brojem: «270».

Član 115.

Član 279. mijenja se i glasi:

«Na osnovu prijedloga za razrješenje, Upravni odbor donosi rješenje o razrješenju dekana, većinom od ukupnog broja članova Upravnog odbora.

Rješenje Upravnog odbora o razrješenju dekana je konačno».

Član 116.

Član 285. mijenja se i glasi:

«Direktora Studentskog centra (a u daljem tekstu: direktor) imenuje Upravni odbor na osnovu javnog konkursa.

Direktor se imenuje na period od četiri godine i može biti ponovo imenovan.

Član 117.

Član 286. mijenja se i glasi:

«Postupak za imenovanja direktora pokreće Upravni odbor, šest mjeseci prije isteka perioda na koji je imenovan.

Upravni odbor donosi odluku o raspisivanju konkursa i imenuje konkursnu komisiju od pet članova».

Član 118.

Član 287. mijenja se i glasi:

«Konkurs za imenovanje direktora objavljuje se u jednom od dnevnih listova i traje petnaest dana od dana objavljivanja».

Član 119.

Član 288. mijenja se i glasi:

«Za direktora može biti imenovan kandidat koji ispunjava uslove utvrđene opštim aktom o unutrašnjoj organizaciji i sistematizaciji radnih mjesta Univerziteta.

Za direktora ne može biti imenovana osoba koja ima funkciju u izvršnim organima političke partije ili organizacije koja je povezana sa političkom partijom.

Kandidat koji se prijavljuje na konkurs dužan je, dostaviti dokaze o ispunjavanju uslova utvrđenih konkursom i dokaze koji proizilaze iz kriterija».

Član 120.

Član 289. mijenja se i glasi:

«Konkursna komisija, u roku od petnaest dana od dana zaključivanja konkursa, sačinjava listu kandidata koji ispunjavaju uslove konkursa čije su prijave potpune i blagovremene i istu dostavlja Upravnom odboru».

Član 121.

Član 290. mijenja se i glasi:

«Prije imenovanja direktora, Upravni odbor pribavlja mišljenje rektora o svim kandidatima sa potvrđene liste kandidata koji ispunjavaju uslove konkursa».

Član 122.

Član 291. mijenja se i glasi:

«Rektor Univerziteta daje mišljenje o svakom kandidatu pojedinačno na osnovu utvrđenih kriterija i isto dostavlja Upravnom odboru Univerziteta najkasnije u roku od 30 dana od dana prijema potvrđene liste kandidata.

Član 123.

Iza člana 291. dodaju se novi članovi 291a) i 291b) koji glase:

«Član 291a)

Po prijemu mišljenja rektora, Upravni odbor bira i imenuje direktora tajnim glasanjem.

Za direktora je imenovan kandidat koji dobije nadpolovičnu većinu glasova svih članova Upravnog odbora.

Ukoliko ni jedan od kandidata ne dobije potrebnu većinu glasova, postupak imenovanja direktora se ponavlja.

Član 291b)

Za vrijeme trajanja mandata imenovani kandidat zasniva radni odnos na Univerzitetu sa punim radnim vremenom».

Član 124.

Član 292. mijenja se i glasi:

«Na postupak razrješenja direktora shodno se primjenjuju odredbe ovih Pravila o razrješenju dekana».

Član 125.

Član 293. se briše.

Član 126.

U članu 299. tačka 1. iza riječi «studija», dodaju se riječi «te doktorskog studija».

U članu 299. tačka 18. mijenja se i glasi:

«18. u drugom stepenu odlučuje po prigovoru na rješenje dekana o pravima i obavezama studenata».

U članu 299. iza tačke 19. dodaje se nova tačka 20. koja glasi:

«20. bira člana Senata iz reda nastavnika fakulteta».

Dosadašnja tačka 20. postaje tačkom 21.

Član 127.

U članu 306. stav 2. iza riječi: «dodiplomskog» dodaje se zarez i briše veznik «i», a iza riječi: «postdiplomskog» dodaje se riječi: «i doktorskog».

Član 128.

U članu 309. iza alineja 2. dodaje se nova alineja 3. koja glasi:

«-studenata doktorskog studija.»

Dosadašnje alineje 3. i 4. postaju alineje 4. i 5.

Član 129.

U članu 310. alineja 1. iza riječi: «diplomama» dodaju se riječi: «i dodacima diploma».

Član 130.

U članu 312. alineja 1. iza riječi: «spreme» dodaju se riječi: «i dodatak diplomi o stepenu stručne spreme».

U članu 312. alineja 2. iza riječi: «nauka» dodaju se riječi: «i dodatak diplomi o naučnom stepenu magistra, odnosno doktora nauka».

PRELAZNE I ZAVRŠNE ODREDBE

Član 131.

U članu 330. iza stava 1. dodaje se novi stav 2. koji glasi:

«Studenti upisani na višu školu ili studijski odsjek u dvogodišnjem trajanju prije stupanja na snagu ovih Pravila imaju pravo završiti započeti studij po nastavnom planu i programu koji je važio u vrijeme njihovog upisa, a najkasnije do 30.09.2010. godine.

Dosadašnji stav 2. postaje stav 3.

Član 132.

Iza člana 331. dodaju se novi članovi 331a) i 331b) koji glase:

«Član 331a)

Na lice kojem je, na osnovu ranijih propisa, odobrena tema za izradu doktorske disertacije kao i na lice koje prijavi temu za izradu doktorske disertacije najkasnije do 30.09.2009. godine primjenjivat će se odredbe članova 74. do 92. Pravila JU Univerzitet u Tuzli (Prečišćeni tekst) broj: 04-751-3/03 od 07.02.2003. godine.

Član 331b)

Odredba člana 198. stav 1. ovih Pravila primjenjuje se na zaposlenike koji su ugovore o radu zaključili nakon stupanja na snagu Zakona o izmjenama i dopunama Zakona o visokom obrazovanju («Službene novine Tuzlanskog kantona broj: 05/05), odnosno od 29.juna 2005. godine».

Član 133.

Ova Odluka stupa na snagu narednog dana od dana objavljivanja na oglasnoj ploči Univerziteta.

Član 134.

Zadužuje se stručna služba Univerziteta da sačini Prečišćeni tekst Pravila JU Univerzitet u Tuzli u roku od 60 dana od dana stupanja na snagu ove Odluke.

JU UNIVERZITET U TUZLI

Broj: 04-1000-1./06.

Tuzla, 22.02.2006.

PREDSJEDNIK
UPRAVNOG ODBORA:

Gergić Hamšija,dipl.pravnik

Ova Odluka objavljena je na oglasnoj ploči Univerziteta dana _____2006. godine.

Na ovu Odluku o izmjenama i dopunama Pravila JU Univerzitet u Tuzli (Prečišćeni tekst) Vlada Kantona dala je saglasnost na sjednici održanoj _____2006. godine.

